

PLUMS tawar peluang lanjut pengajian

UM 22.4.2014 26

KOTA KINABALU 22 April
- Pusat Luar Universiti
Malaysia Sabah (PLUMS)
menawarkan pelbagai
bidang dalam program
peringkat pengajian
sarjana secara kerja
kursus sepenuh masa,
sekali gus menjayakan
visinya untuk menjadi
pusat pendidikan
sepanjang hayat, selain
memenuhi permintaan
ramai yang berminat
menyambung pengajian
ke peringkat lebih tinggi.

Pengarahnya, Prof
Madya Dr. Mohd. Yusof
Abdullah berkata,
pihaknya juga sedang
berusaha meningkatkan
pengambilan pelajar
antarabangsa dari negara-
negara membangun di
seluruh dunia untuk
mengikuti program
pengajian ditawarkan.

"Kesemua kursus
yang ditawarkan adalah
memenuhi keperluan
majikan dan industri
untuk melengkapkan
para pelajar dengan
pengetahuan lebih
mendalam, teknik dan
kemahiran terkini dalam
bidang-bidang yang
ditawarkan.

"UMS satu-satunya
institusi pengajian
tinggi awam di Sabah
memiliki kelebihan dari
aspek pengurusan kos
pengajian yang minimum
di samping ijazah sarjana
yang diiktiraf oleh Agensi
Kelayakan Malaysia,"
katanya di sini hari ini.

Maklumat lanjut
boleh diperolehi dengan
melayari [https://smpp.
ums.edu.my/application/](https://smpp.ums.edu.my/application/)
atau emel, [marketing@
umslink.com.my](mailto:marketing@umslink.com.my) atau
hubungi talian 088-
320375/088-448341.